

玄門日誦早晚功課經

中國道教協會印



太上全真功課經序

竊以金書玉笈。為入道之門牆。諷經誦咒。迺
修仙之徑路。得入道之門。可以復元始之性。
獲修仙之路。得以曉自然之心。是故道者。住
叢林。焚香火。三千日裏勤功。十二時中無怠。
朝夕勤禮

聖容。當輸自己之誠。殷勤祝釐

國祚。必獲昇仙之慶。且夫功課者。何為者也。

功課者。課功也。課自己之功者。修自身之道也。修自身之道者。賴先聖之典也。誦上聖之金書玉誥。明自己之本性真心。非科教。不能弘揚大道。非課誦。無以保養元和。經之為經。是前聖之心宗。咒之為咒。乃古仙之妙法。誦之誠者。則經明。行之篤者。則法驗。經明則道契於內。法驗則術彰於外。經明則法驗而兩全。內功外行而俱有。此是住叢林者之規範。

昇仙者之梯蹬。非叢林。無以陶鎔大衆之德性。非梯蹬。何以希求出世之真仙。若肯誠心修道。二六時中。刻刻提撕。時時檢點。在世端能出世。居塵自可離塵。迴出是非之門。直達無為之路。逍遙宇宙。出入虛無。自由自在。寂滅無生。方寸不立一塵。妙用直超三際。若此者。了自心一念之誠。出世上三途之苦。履長生之道路。脫苦海之迷津。既無前愆之可

懺。亦無後過之可悔。無前愆之可懺者。意誠也。無後過之可悔者。心正也。心正則無惡孽。意誠哪有災殃。無惡孽則立到天堂。無災殃則出離地獄。功高宇宙。德契虛皇。禳災而災消。祈福而福至。無求而不應。有感以皆通。課誦諸品仙經。及群真寶號。故淨口淨心淨身而有咒。安天安地安神而有章。皆有次序。更無躐等。雖是隨堂之功課。實為祝

國之大猷。朝夕誦念。晝夜忘疲。直候三千功滿。八百行圓。方是出家之上事。丈夫之道德也。謹序

時

大清光緒歲次丁亥仲秋一清道人重刊

誦經要訣

凡誦經者。切須齋戒。嚴整衣冠。誠心定氣。
叩齒演音。然後朗誦。慎勿輕慢。交談接語。
務在端肅。念念無違。隨願禱祝。自然感應。
先念步虛。後誦咒章。

玄門日誦早課

道衆序立吟步虛

澄清韻

琳琅振響。十方肅清。河海靜默。山嶽吞烟。
萬靈鎮伏。招集群仙。天無氛穢。地無妖塵。
冥慧洞清。大量玄玄也。舉

常清常靜天尊

吊掛

真心清靜道為宗

譬彼中天寶月同

淨掃迷雲無點翳
上藥身中神氣精
能知混合回風道

一輪光滿太虛空
人人具足匪虧盈
金鼎黃芽日日生

搖帝鐘吟香偈

一炷真香本自然

黃庭爐內起祥烟

空中結就浮雲篆

上祝當今壽萬年

道場衆等

人各恭敬

恭對道前

諷經如法

提綱

群仙朝上帝

元始降洪恩

大衆登寶殿
齊祝慶

諷誦太上經

淨心神咒

太上臺星

應變無停

驅邪縛魅

保命護身

智慧明淨

心神安甯

三魂永久

魄無喪傾

淨口神咒

丹朱口神

吐穢除氛

舌神正倫

通命養神

羅千齒神

卻邪衛真

喉神虎賁

氣神引津

心神丹元

令我通真

思神鍊液

道炁常存

淨身神咒

靈寶天尊

安慰身形

弟子魂魄

五臟玄冥

青龍白虎

隊仗紛紜

朱雀玄武

侍衛我真

安土地咒

元始安鎮

普告萬靈

嶽瀆真官

土地祇靈

左社右稷

不得妄驚

回向正道

內外澄清

各安方位

備守壇庭

太上有命

搜捕邪精

護法神王

保衛誦經

皈依大道

元亨利貞

淨天地神咒

天地自然

穢氣分散

洞中玄虛

晃朗太元

八方威神

使我自然

靈寶符命

普告九天

乾羅答那

洞罡太玄

斬妖縛邪

殺鬼萬千

中山神咒

元始玉文

吾誦一遍

卻鬼延年

按行五嶽

八海知聞

魔王束首

侍衛吾軒

凶穢消散

道炁常存

祝香咒

道由心學

心假香傳

香爇玉爐

心存帝前

真靈下盼

仙旆臨軒

今臣關告

逕達九天

金光神咒

天地玄宗

萬炁本根

廣修浩劫

證吾神通

三界內外

惟道獨尊

體有金光

覆映吾身

視之不見

聽之不聞

包羅天地

養育群生

受持萬遍

身有光明

三界侍衛

五帝司迎

萬神朝禮

役使雷霆

鬼妖喪膽

精怪忘形

內有霹靂

雷神隱名

洞慧交徹

五炁騰騰

金光速現

覆護真人

玄蘊咒

雲篆太虛

浩劫之初

乍遐乍邇

或沉或浮

五方徘徊

一丈之餘

天真皇人

按筆乃書

以演洞章

次書靈符

元始下降

真文誕敷

昭昭其有

冥冥其無

沉疴能自痊

塵勞溺可扶

幽冥將有賴

由是昇仙都

太上老君說常清靜經

老君曰。大道無形。生育天地。大道無情。運
行日月。大道無名。長養萬物。吾不知其名。
強名曰道。夫道者。有清有濁。有動有靜。天
清地濁。天動地靜。男清女濁。男動女靜。降
本流末。而生萬物。清者濁之源。動者靜之基。
人能常清靜。天地悉皆歸。夫人神好清。而心
擾之。人心好靜。而慾牽之。常能遣其慾。而

心自靜。澄其心。而神自清。自然六慾不生。
三毒消滅。所以不能者。為心未澄。慾未遣也。
能遣之者。內觀其心。心無其心。外觀其形。
形無其形。遠觀其物。物無其物。三者既悟。
唯見於空。觀空亦空。空無所空。所空既無。
無無亦無。無無既無。湛然常寂。寂無所寂。
慾豈能生。慾既不生。即是真靜。真常應物。
真常得性。常應常靜。常清靜矣。如此清靜。

漸入真道。既入真道。名為得道。雖名得道。實無所得。為化衆生。名為得道。能悟之者。可傳聖道。

老君曰。上士無爭。下士好爭。上德不德。下德執德。執著之者。不名道德。衆生所以不得真道者。為有妄心。既有妄心。即驚其神。既驚其神。即著萬物。既著萬物。即生貪求。既生貪求。即是煩惱。煩惱妄想。憂苦身心。便

遭濁辱。流浪生死。常沉苦海。永失真道。真常之道。悟者自得。得悟道者。常清靜矣。

仙人葛翁曰。吾得真道。曾誦此經萬遍。此經是天人所習。不傳下士。吾昔受之於東華帝君。東華帝君。受之於金闕帝君。金闕帝君。受之於西王母。西王母皆口口相傳。不記文字。吾今於世。書而錄之。上士悟之。昇為天官。中士修之。南宮列仙。下士得之。在世長

年。遊行三界。昇入金門。

左玄真人曰。學道之士。持誦此經者。即得十天善神。擁護其身。然後玉符保神。金液鍊形。形神俱妙。與道合真。

正一真人曰。人家有此經。悟解之者。災障不干。衆聖護門。神昇上界。朝拜高真。功滿德就。相感帝君。誦持不退。身騰紫雲。

太上老君說常清靜經

太上洞玄靈寶昇玄消災護命妙經

稽首皈依衆妙道

志心恭敬二玄真

今運一心心所議

粗識此經經所因

空色色空無有性

有無無有色空均

慧風出自天尊力

掃除心界不遺塵

惟願神光常擁護

證盟今日守心人

今日守心何所證

不失凡身得道身

爾時

元始天尊。在七寶林中。五明宮內。與無極聖
衆。俱放無極光明。照無極世界。觀無極衆生。
受無極苦惱。宛轉世間。輪迴生死。漂浪愛河。
流吹慾海。沉滯聲色。迷惑有無。無空有空。
無色有色。無無有無。有有無有。終始暗昧。
不能自明。畢竟迷惑。

天尊告曰。汝等衆生。從不有中。有不無中。無。
不色中。色。不空中。空。非有為有。非無為無。

非色為色。非空為空。空即是空。空無定空。
色即是色。色無定色。即色是空。即空是色。
若能知空不空。知色不色。名為照了。始達妙
音。識無空法。洞觀無礙。入衆妙門。自然解
悟。離諸疑網。不著空見。清淨六根。斷諸邪
障。我即為汝。說是妙經。名曰護命。濟度衆
生。傳教世間。流通讀誦。即有飛天神王。破
邪金剛。護法靈童。救苦真人。金精猛獸。各

百億萬衆。俱侍衛是經。隨所擁護。捍厄扶衰。
度一切衆生。離諸染着。

爾時

天尊即說偈曰。

視不見我

聽不得聞

離種種邊

名為妙道

太上洞玄靈寶昇玄消災護命妙經

太上靈寶天尊說禳災度厄真經

爾時

天尊。在禪黎國土。與大道真仙。萬萬大千神。諸天尊。及諸天龍鬼神。盡來集會。受吾約束。世間若有善男子。善女人。或有年災月厄。遊城赤鼠之厄。天羅地網之厄。命窮算盡之厄。疾病纏綿之厄。落水波濤之厄。虎狼虺蛇之厄。水火盜賊刀兵生產之厄。山林樹木社稷之

厄。土石橋梁之厄。毒藥咒詛之厄。惟願今對
玉皇天尊。大道真聖。懺悔解禳。度脫身中災
厄。一一解散。勿為留難。敕諸天神王。并降
聖力道力。承斯經力恩力。衛護弟子受持。念
誦此經已後。解禳陽九百六之災。三衰八難。
九橫五苦之厄。如求如願。所履平安。出人行
藏。所求利益。所願遂心。於是衆等。聞說此
經。皆大歡喜。信受奉行。

太上靈寶天尊說禳災度厄真經

高上玉皇心印妙經

上藥三品

神與炁精

恍恍惚惚

杳杳冥冥

存無守有

頃刻而成

迴風混合

百日功靈

默朝上帝

一紀飛昇

知者易悟

昧者難行

履踐天光

呼吸育清

出玄入牝

若亡若存

綿綿不絕

固蒂深根

人各有精

精合其神

神合其炁

炁合其真

不得其真

皆是強名

神能入石

神能飛形

入水不溺

入火不焚

神依形生

精依炁盈

不凋不殘

松柏青青

三品一理

妙不可聽

其聚則有

其散則靈

七竅相通

竅竅光明

聖日聖月

照耀金庭

一得永得

自然身輕

太和充溢

骨散寒瓊

得丹則靈

不得則傾

丹在身中

非白非青

誦持萬遍

妙理自明

高上玉皇心印妙經

玉清寶誥

志心皈命禮

三界之上。梵炁彌羅。上極無上。天中之天。
鬱羅蕭臺。玉山上京。渺渺金闕。森羅淨泓。
玄元一炁。混沌之先。寶珠之中。玄之又玄。

開明三景。化生諸天。億萬天真。無鞅數衆。
旋斗歷箕。回度五常。巍巍大範。萬道之宗。
大羅玉清。虛無自然。至真妙道。元始天尊。

上清寶誥

志心皈命禮

居上清境。號靈寶君。祖劫化生。九萬九千餘
梵炁。赤書煥發。六百六十八真文。因混沌赤
文。而開九霄。紀元洞玉歷。而分五劫。天經
地緯。巍乎造化之宗。樞陰機陽。卓爾雷霆之

祖。大悲大願。大聖大慈。玉宸道君。靈寶天尊。

太清寶誥

志心皈命禮

隨方設教。歷劫度人。為皇者師。帝者師。王者師。假名易號。立天之道。地之道。人之道。隱聖顯凡。總千二百之官君。包萬億重之梵炁。化行今古。著道德凡五千言。主握陰陽。命雷霆用九五數。大悲大願。大聖大慈。太上

老君。道德天尊。

彌羅寶誥

志心皈命禮

太上彌羅無上天。妙有玄真境。渺渺紫金闕。
太微玉清宮。無極無上聖。廓落發光明。寂寂
浩無宗。玄範總十方。湛寂真常道。恢漠大神
通。玉皇大天尊。玄穹高上帝。

天皇寶誥

志心皈命禮

紫微宸極。勾陳天宮。九光寶苑之中。五炁

玄都之上。體元皇而佐司玄化。總兩極而共理
三才。主持兵革之權衡。廣推大德。統御星辰
之纏次。毋失常經。上象巍峨。真元恢漠。大
悲大願。大聖大慈。勾陳上宮。天皇大帝。

星主寶誥

志心皈命禮

大羅天闕。紫微星宮。尊居北極之高。位正中
天之上。佛號金輪熾盛。道稱玉斗玄尊。璇璣
玉衡齊七政。總天經地緯。日月星宿約四時。

行黃道紫垣。萬象宗師。諸天統御。大悲大願。
大聖大慈。萬星教主。無極元皇。中天紫微。
北極大帝。

后土寶誥

志心皈命禮

九華玉闕。七寶皇房。承天稟命之期。主執陰
陽之柄。道推尊而含弘廣大。德敷蓄於柔順利
貞。効法昊天。根本育坤元之美。流形品物。
生成施母道之仁。嶽瀆是依。山川咸仗。大悲

大願。大聖大慈。承天効法。后土皇地祇。

南極寶誥

志心皈命禮

高上神霄府。凝神煥照宮。會元始祖炁以分
真。應妙道虛無而開化。位乎九霄之上。統理
諸天。總乎十極之中。宰制萬化。宣金符而垂
光濟苦。施惠澤而覆育兆民。恩溥乾元。仁敷
浩劫。大悲大願。大聖大慈。玉清真王。南極
長生大帝。統天元聖天尊。

北五祖寶誥

志心皈命禮

大道開先。玄元闡化。教垂今古。謚號東華。
接漢室之將軍。隱終南而仙契。過化每超於劫
運。示現長在於塵寰。啟唐朝之英賢。悟神仙
之秘訣。飛劍貨藥。警化無方。金廷丞相之高
標。寶印力持之勇訣。霞裾上陟。南北統宗。
天復挺於人豪。道徧通於四海。發金蓮之七
朵。演仙派於十方。長生理被於古今。玄妙天

垂於率土。恢弘至道。廣度群迷。慈悲濟苦。
全真祖師。東華紫府輔元立極大道帝君。正陽
開悟傳道垂教帝君。純陽演正警化孚佑帝君。
海蟾明悟弘道純佑帝君。重陽全真開化極輔
帝君。五祖闡道天尊。

南五祖寶誥

志心皈命禮

明真正道。行化南天。九皇降跡於天臺。一脈
濬通於劉祖。採瓊花之仙異。著悟真之丹書。

道付杏林。不日還元之徧集。法通鷄足。丹髓復命之書成。真人挺出惠州。信地悟超神俊。刀圭入口。神化無方。施雷雨於掌中。甦生民於世外。德彰南海。獲瓊玉之英標。道徧遐荒。飫法言之靈妙。龍虎羅浮之跡。武夷玉隆之書。過化多方。真文備著。為群仙之首冠。集前代之範模。誓願宏深。慈悲仁聖祖師。悟真紫陽真人。杏林翠玄真人。道光紫賢真人。泥

九翠虛真人。瓊琯紫清真人。五祖藏道天尊。

七真寶誥

志心皈命禮

道先一炁。世顯七真。悟五行不到之言。得九轉還丹之訣。甘泉潤物。變朽回春。金骨仙姿。壁得四言而契道。衛州變化。坐十載以成真。壁間墨跡以非凡。雪竹月松之姿異。三井有多生之記。一時著顯化之功。磻溪六年。龍門七載。道功備而名聞時主。丹符錫而掌握神仙。石上

談玄。空中飛蓋。元主屢宣而問道。甘霖尅日
以濟民。早窮易道之言。晚造神仙之訣。卦圖
斯演。至道大成。清靜散人。探玄得道。蓬萊
仙路。億劫獨持。慈悲濟苦。全真祖師。丹陽
抱一無為普化真君。長真凝神玄靜蘊德真君。
長生輔化宗玄明德真君。長春全德神化明應
主教真君。玉陽體玄廣慈普度真君。太古廣甯
通玄妙極真君。清靜淵真玄虛順化元君。

七真演化天尊。

普化寶誥

志心皈命禮

九天應元府。無上玉清王。化形而滿十方。談道而跌九鳳。三十六天之上。閱寶笈考瓊書。千五百劫之先。位正真權大化。手舉金光如意。宣說玉樞寶經。不順化作微塵。發號疾如風火。以清靜心。而弘大願。以智慧力。而伏諸魔。總司五雷。運心三界。群生父。萬靈師。

大聖大慈。至皇至道。九天應元雷聲普化天尊。

知表吟偈

人心皆散亂 一念便純真

欲求無上道 大眾轉天尊

轉念

九天應元雷聲普化天尊

轉念回壇跪誦

向來誦經 念念存誠 千真拱聽

萬聖通靈

應元合炁

普化分形

九天有命

三界遵行

消災懺罪

請福延生

功圓行滿

大道證盟

祝聖文

伏以黃冠羽服。神居雲水之鄉。寶篆仙經。誠
答乾坤之德。小心翼翼。大德昭昭。爐焚真香。
致恭上啟。

三清道祖。十極高真。萬象森羅。二儀列宿。

諸天諸地。諸山諸水。億聖千真。群仙衆職。
玄門啟教。演派師真。皇壇有禱。無鞅仙靈。
是日朝元真宰。當令神員。城隍社令。管界正
神。捧香散花。金童玉女。值壇功曹。符使傳
誠。引奏仙官。雲空過往。察訪神明。經壇主
職。護法威靈。悉仗真香。普同供養。以今奏
為中華人民共和國

省

府

縣都圖土地界下

觀焚

修弟子

茲者 恭逢天運

年 月 日

吉旦良辰。集衆清流。登臨

寶殿。奉

演仙經。持誦聖號。上祝

當今民主聖壽。高呼衆萬歲再高呼萬歲三高呼
萬萬歲。三聲高呼。永祝南山之壽。

一炷清香。齊瞻北極之尊。惟願

華圖鞏固。民道遐昌。萬國共和。普

天永慶。五教興隆。法輪常轉。宰輔官僚。高

遷品位。時和歲稔。五穀豐登。風調雨順。物
阜民安。十方善信。福壽多增。老安少懷。災
消福長。功名遂意。嗣息繁昌。光燭九幽。先
亡受度。所求皆應。如是遂心。仍求在會弟子。
修真有分。進道無魔。下祈億劫宗親。歷代師
資父母。六道四生。蜎飛蠹動。惟願聞經聽法。
離苦登真。各仗良因。均沾利益。再祈山門鼎
盛。香火綿延。壇越皈依。道侶芬芳。二六時

中。常居清靜。一切之中。均祈默佑。再伸稱念。

太平護國天尊

玄都萬壽天尊

常清常靜天尊

不可思議功德

懺悔文

經功浩力不思議

回向十方諸聖衆

願見真心求懺悔

河沙罪障悉消除

至心皈命懺悔我等。自從曩劫。迺至今生。假

火風地水以成形。戀香色味聲而觸法。貪嗔嫉妬。惡口妄言。殺盜邪淫。恣情縱慾。逆辱父母。悖負君師。不敬天地神祇。呵風罵雨。不信罪福因果。昧理欺心。遂至報對昇沉。輪迴展轉。受諸苦惱。無有休停。皆由一念之差。障迷自性。妄認六塵之幻。沉溺愛河。今而既獲人身。叨親正教。豈非千生慶幸。一旦遭逢。自合省心。早求度世。若夫似前流蕩。必竟迷

失本來。一墮冥途。化為異類。是故思沉淪苦。
發清淨心。皈奉聖真。特求懺悔。槩憐愚昧。
原赦罪愆。解釋報冤。蠲消魔障。所覲命逢昌
運。名注丹臺。際遇真師。親聞至道。精修妙
行。增長善芽。盡節玄門。怡神真境。他日運
應滅度。自性不致昏迷。逕生十善之家。能通
宿命。遂證上乘之道。承侍虛皇。上
願。國安民豐。時和歲稔。

願。所傷物命。早生人天。
願。絕食葷酒。不相殺害。
願。持身端正。不履淫邪。
願。悉破慳貪。永除嶮峻。
願。言無狂妄。行貴真誠。
願。溺己饒人。潛忍忿怒。
願。慈心下氣。恭敬一切。
願。不墮邊夷。不隨邪見。

願。結交仙友。棲集清虛。
願。智慧開明。神通恢廓。
願。廣行方便。普濟群生。
願。永斷執迷。咸歸正道。
塵劫有盡。我願無窮。重二遍。

端望

帝真。曲垂濟度。皈命禮謝。
無上虛皇。至真三寶。

一者一人有慶

二者二景齊明

三者三農樂業

四者四序和平

五者五祠鞏固

六者六合澄清

七者七星臨照

八者八節安甯

九者九泉開泰

十者十類生成

十一者福留善信

十二者大道興隆

一切神光普照

一切衆聖留恩

一切有情賴善

一切證果成真

普天均樂

四海同春

聞經悟道

罪滅福生各三遍

唱讚

誦經功德。不可思議。諸天諸地轉靈機。皇王
壽夭齊。大道慈悲。萬化樂雍熙。重句

向來禮念諸功德 全賴慈悲為主盟
仰瞻仙仗隱空玄 法部真靈常擁護

靈官咒

仰啟神威豁落將
火車三五號雷公
手執金鞭巡世界
綠靴風帶護身形
頃刻三天朝上帝
銀牙鳳嘴將三千
走火行風前後衛
祈晴禱雨濟世間

都天糾察大靈官
受命三清降鬼崇
身披金甲顯威靈
雙目火睛耀天地
須臾九地救生靈
虎首貔貅兵百萬
穿山破石捉妖精
附體圓光通事意

治病驅邪如反掌

收瘟攝毒伏群魔

飛騰雲霧遍虛空

號令雷霆轟霹靂

三界大魔皆拱手

十方外道悉皈依

弟子啟請望來臨

大賜雷威加擁護

太乙雷聲應化天尊

土地咒

此間土地。神之最靈。昇天達地。出幽入冥。

為吾關奏。不得留停。有功之日。名書

上清。向來誦經功德。上奉

高真。下保平安。賜福消災。同賴善功。證無
上道。一切信禮。志心稱念。

常清常靜天尊。不可思議功德。

大皈依

志心皈命禮

無上道寶。經師一切諸天。九十九億。九萬九千。

十方國土。歷劫度人。清靜真一。不二法門。

大悲大願。大聖大慈。

玄中靈寶
先天教主。
元始天尊
混元道德

三皈依

志心皈命禮

無上道寶 當願衆生 常持天尊 永脫輪迴

無上經寶 當願衆生 生生世世 得聞正法

無上師寶 當願衆生 學最上乘 不落邪見

玄門日誦早課終

玄門日誦晚課

步虛

大道洞玄虛。有念無不契。鍊質入仙真。遂成
金剛體。超度三界難。地獄五苦解。悉歸太上
經。靜念稽首禮。舉
十方救苦天尊

吊掛

種種無名是苦根

苦根除盡善根存

但憑慧劍威神力
跳出輪迴無苦門
道以無心度有情
一切方便是修真
若皈聖智圓通地
便是生天得道人
香供養太乙救苦天尊

主經吟偈

五節清香徹夜焚
天仙玉女盡遙聞
此香逕達青華府
奏啟尋聲救苦尊

道場衆等

人各恭敬

正對瑤壇

晚課如法

提綱

天尊妙難量

人天度衆生

存亡皆利濟

諷誦太上經

玄蘊咒

寂寂至無宗。虛峙刼仞阿。廓落洞玄文。
誰測此幽遐。一入大乘路。孰計年刼多。
不生亦不滅。欲生因蓮花。超凌三界途。

慈心解世羅。真人無上德。世世為仙家。

太上洞玄靈寶救苦拔罪妙經

爾時

救苦天尊。徧滿十方界。常以威神力。救拔諸
衆生。得離於迷途。衆生不知覺。如盲見日月。
我本太無中。拔領無邊際。慶雲開生門。祥煙
塞死戶。初發玄元始。以通祥感機。救一切罪。
度一切厄。渺渺超仙源。蕩蕩自然清。皆承大

道力。以伏諸魔精。空中何灼灼。名曰泥丸仙。
紫雲覆黃老。是名三寶君。還將上天炁。以制
九天魂。救苦諸妙神。善見救苦時。天上混無
分。天炁歸一身。皆成自然人。自然有別體。
本在空洞中。空洞跡非跡。徧體皆虛空。第一
委炁立。第二順炁生。第三成萬法。第四生光
明。天上三十六。地下三十六。太玄無邊際。
妙哉大洞經。歸命太上尊。能消一切罪。

東方玉寶皇上天尊

南方玄真萬福天尊

西方太妙至極天尊

北方玄上玉宸天尊

東北方度仙上聖天尊

東南方好生度命天尊

西南方太靈虛皇天尊

西北方無量太華天尊

上方玉虛明皇天尊

下方真皇洞神天尊

道言十方諸天尊。其數如沙塵。化行十方界。
普濟度天人。委炁聚功德。同聲救罪人。罪人
實可哀。我今說妙經。念誦無休息。歸身不暫
停。天堂享大福。地獄無苦聲。火翳成清署。
劍樹化為騫。上登朱陵府。下入開光門。超度
三界難。逕上元始天。於是飛天神王。無鞅數

衆。瞻仰尊顏。而作頌曰。

天尊說經教。接引於浮生。勤修學無為。
悟真道自成。不迷亦不荒。無我亦無名。

朗誦罪福句。萬徧心垢清。爾時

飛天神王。及諸天仙衆。說是誦畢。稽首天尊。
奉辭而退。

太上洞玄靈寶救苦拔罪妙經

元始天尊說生天得道真經

爾時

元始天尊。在大羅天上。玉京山中。為諸天仙衆。說此生天得道真經。告諸仙曰。吾今為汝。略啟身心。明宣道要。十方得道神仙。皆從此經修行。而通微奧。善男子。善女人。依憑齋戒。作是津梁。一切有為。顯諸真路。體此法相。乃可受持。能屏衆緣。永除染著。外相不

入。內相不出。於正念中。乃得五臟清涼。六腑調泰。三百六十骨節之間。有諸滯礙。十惡之業。百八十煩惱之業。衆苦罪源。悉皆除蕩。即引太和真炁。注潤身田。五臟六腑。心目內觀。真炁所有。清淨光明。虛白朗曜。杳杳冥冥。內外無事。昏昏默默。正達無為。古今常存。總持靜念。從茲解悟。道力資扶。法藥相助。乃節飲食。驅遣鬼尸。安寂六根。靜照八

識。空其五蘊。證妙三元。得道成真。自然昇
度。爾時諸天仙衆。上白天尊言。自從無始以
來。至於今日。未聞如是。大乘經典。我等緣
茲幸會。廣及一切。道果圓明。而說偈曰。

杳杳冥冥清靜道

昏昏默默太虛空

體性湛然無所住

色心都寂一真宗

元始天尊說生天得道真經

太上道君說解冤拔罪妙經

爾時

太上道君。與諸聖衆。在八騫林下。七寶臺中。
羅列威儀。敷陳道要。怡神默坐。於玉京山。
放七寶光明。照福堂地獄。見福堂之內。男女
善人。快樂無為。逍遙自在。復見諸地獄之中。
餓鬼窮魂。以日繼夜。受種種苦惱。悉無人形。
五體壞爛。饑餐猛火。渴飲鎔銅。足履刀山。

身負鐵杖。遍體流血。悲號徹天。是時會中。
有一真人。名曰廣信。從座而起。稽首前進。
上白道君曰。不審此輩窮魂。生有何咎。而受
茲苦。

道君曰。受諸罪者。在世之時。不敬三光。欺
負神理。十惡五逆。不忠不仁。不慈不孝。毀
傷物命。殺害衆生。福盡壽終。當受斯苦。是
時廣信真人。心生哀憫。欲其濟拔。幸望妙力

威光。許令開度。伏蒙

道君。垂賜金言。廣設法要。為諸衆生。演說是經。名曰解冤拔罪。流布於世。利益存亡。若有善男子。善女人。一心專志。入靜持齋。焚香行道。六時轉念是經。吾當隨願。保佑其人。使宿世冤讐。乘福超度。幽魂苦爽。各獲超昇。真人廣信。歡喜再拜。覩縷勝因。而作頌曰。

偉哉大道君。常普無量功。舟楫生死海。
濟度超羅鄴。罪對不復遇。福報與冥通。
用神安可測。讚之焉能窮。

是時廣信真人。與諸聖衆。聞法將畢。各各稽
首皈依。信受奉行。

太上道君說解冤拔罪妙經

斗姥寶誥

志心皈命禮

西天竺國。大智光中。真空妙相法王師。無上

玄元天母主。金光爍處。日月潛輝。寶杵旋時。
鬼神失色。顯靈蹤於塵世。衛聖駕於閭浮。衆
生有難若稱名。大士尋聲來救苦。大悲大願。
大聖大慈。聖德巨光天后。摩利支天大聖。圓
明道母天尊。

三官寶誥

志心皈命禮

唯三聖人。乃一太極。普受浩劫家之命。鼎膺
無量品之褒。紫微清虛洞陰。總領功過。賜福

赦罪解厄。溥濟存亡。道冠諸天。恩覃三界。
大悲大願。大聖大慈。三元三品。三官大帝。
三宮九府。應感天尊。

玄天寶誥

志心皈命禮

混元六天。傳法教主。修真悟道。濟度群迷。
普為衆生。消除災障。八十二化。三教祖師。
大慈大悲。救苦救難。三元都總管。九天遊弈
使。佐天罡北極。右垣大將軍。鎮天助順。真

武靈應。福德衍慶。仁慈正烈。協運真君。治
世福神。玉虛師相。玄天上帝。金闕化身。蕩
魔天尊。

祖天師寶誥

志心皈命禮

本來南上。上泝蜀都。先獲黃帝九鼎之丹書。
後侍老君兩度於玉局。千軸得修真之要。一時
成吐納之功。法籙全成。受盟威品而結璘訣。
正邪兩辨。奪福庭治而化鹹泉。德就大丹。道

齋七政。大悲大願。大聖大慈。三天扶教。輔
玄體道。大法天師。雷霆都省。太玄上相。都
天大法主。正一冲玄神化靜應顯佑真君。六合
無窮高明大帝。降魔護道天尊。

文昌寶誥

志心皈命禮

不驕帝境。玉真慶宮。現九十八化之形藏。顯
億千萬種之神異。飛鸞開化於在在。如意救劫
以生生。至孝至仁。功存乎儒道釋教。不驕不

樂。職盡乎天地水官。功德難量。威靈莫測。
大悲大願。大聖大慈。九天輔元。開化主宰。
司祿職貢舉真君。七曲靈應。保德宏仁大帝。
談經演教。消劫行化。更生永命天尊。

呂祖寶誥

志心皈命禮

玉清內相。金闕選仙。化身為三教之師。掌法
判五雷之令。黃梁夢覺。忘世上之功名。寶劍
光輝。掃人間之妖怪。四生六道。有感必敷。

三界十方。無求不應。黃鶴樓頭留聖跡。玉清
殿內鍊丹砂。存道像於岩祠。顯仙跡於雲洞。
闡法門之香火。理玄嗣之梯航。大悲大願。大
聖大慈。開山啟教。靈應祖師。天雷上相。靈
寶真人。純陽演正。警化孚佑帝君。興行妙道天
尊。

邱祖寶誥

志心皈命禮

隱顯莫測。抱道無窮。腹養黃芽。鼎飛白雪。

體靜潛而藏天地。心寂默而轉乾坤。妙奪陰陽。玄超無極。授金丹之至訣。普度後人。演嗣系之傳衍。玄裔萬世。全真教主。浩德恩師。大悲大願。大惠大仁。祖師長春妙道開玄宏道真人。廣援普度天尊。

薩祖寶誥

志心皈命禮

派流西蜀。跡顯龍興。施財合藥濟群生。積行累功修至道。授鐵師之教旨。掌玉府之雷書。

身披百衲伏魔衣。手執五明降鬼扇。代天宣
化。咒棗書符。運風雷於咫尺之間。翦妖魔於
斗罡之下。道參太極。位列先天。松筠野鶴任
縱橫。遐邇孤雲長自在。方方闡教。為萬法之
宗師。處處開壇。作後人之模範。都天宗主。
一元無上真君。玄風永振天尊。

救苦寶誥

志心皈命禮

青華長樂界。東極妙嚴宮。七寶芳鸞林。九色

蓮花座。萬真環拱內。百億瑞光中。玉清靈寶
尊。應化玄元始。浩劫垂慈濟。大開甘露門。
妙道真身。紫金瑞相。隨機赴感。誓願無邊。
大聖大慈。大悲大願。十方化號。普度衆生。
億億劫中。度人無量。尋聲赴感。太乙救苦天
尊。青玄上帝。

知表吟偈

慈尊降法界

普度長夜魂

欲免輪迴苦

大眾轉天尊

衆轉念

尋聲赴感太乙救苦天尊

轉畢回壇跪念

青華妙嚴

慈相億千

身居常樂

安座金蓮

慧光無礙

照燭幽泉

枯骸朽骨

咸得光鮮

甘露流潤

徧灑空玄

拔度沉溺

不滯寒淵

上請天官解天厄。

地官解地厄。

水官解水厄。

五帝解五方厄。四聖解四時厄。南辰解本命厄。北斗解一切厄。

於是七元君

大聖善通靈

濟度諸厄難

超出苦衆生

若有急告者

持誦保安平

盡憑生百福

咸契於五行

三魂得安健

邪魅不能停

五方降真炁

萬福自來駢

長生超八難

皆由奉七星

生生身自在

世世保神清

善似光中影

應如谷裏聲

三元神共護

萬聖眼同明

無災亦無障

永保道心甯

報恩寶誥

志心皈命禮

玄元應化。武曲分真。垂念我等衆生。有相脫
生。父母懷耽十月。乳哺三年。辛苦百千。殷

勤寸念。憐我父母。日漸衰朽。我今持念平等。
悉滅險峻貪嗔。禮帝為師。祈恩報本。願我現
在父母。福壽增延。過去宗祖。早得超昇。大
聖大慈。大仁大孝。八十二化。報恩教主。佑
聖真武。治世福神。玉虛師相。玄天上帝。金
闕化身。終劫濟苦天尊。

一願風調雨順

二願五穀豐登

三願皇王萬壽

四願國土清平

五願民安物阜

六願福壽康甯

七願災消禍散

八願水火無侵

九願聰明智慧

十願學道成真

十一願諸神擁護

十二願亡者超昇

一切飛禽走獸

一切螻蛄蛇蟲

一切冤家債主

一切男女孤魂

四生六道

一切含靈

聞經聽法

早得超昇重二遍

唱讚

青華教主。太乙慈尊。玉清應化顯金身。大開
甘露門。接引衆生。永出愛河津。

願消三障諸煩惱 願得智慧心明了
普願災障悉消除 世世常行無上道
四恩三宥均利益 十洲三島任逍遙
回向四府衆龍神 禮謝道經師三寶
向來誦經福無邊 風調雨順民安樂

願以此功德

普及於一切

我等與衆生

共成無上道

先天主將。一炁神君。都天糾察大靈官。三界
無私猛烈將。金睛朱髮。號三五火車雷公。鳳
嘴銀牙。統百萬貔貅神將。飛騰雲霧。號令雷
霆。降雨開晴。驅邪治病。觀過錯於一十二年。
受命

玉帝。積功勲於百千萬種。誓佐祖師。至剛至

勇。濟死濟生。方方闡教。處處開壇。豁落猛吏。三五火車大靈官。王天君。
太乙雷聲應化天尊。

土地咒

此間土地。神之最靈。昇天達地。出幽入冥。
為吾關奏。不得留停。有功之日。名書
上清。向來誦經功德。上奉
高真。下保平安。賜福消災。同賴善功。證無

上道。一切信禮。志心稱念
十方太乙救苦天尊。不可思議功德。

三皈依 志心皈命禮

無上道寶	當願衆生	超脱一切	住最上乘
無上經寶	當願衆生	深明經藏	神通莫測
無上師寶	當願衆生	太上授首	成大仙道

晚壇功課終

供養咒

此乃天神人鬼同享

供養三天教主。清靜法身。滿空聖衆。無量。
群真。黍米一粒。雲厨寶鼎。烹為法饌。異香
滿空。光被十方。照臨大衆。普同供養。志心
稱念。

香厨妙供天尊。不可思議功德

出食咒

左手三山訣右手劍訣

炁

一粒佳穀。一滴清泉。不忍自食。

施與幽魂。受吾供者。皆賴道恩。惟道威靈。
覺性常存。志心稱念。

法食普濟天尊。不可思議功德。

入食咒

至寒林所

自然天廚食。吾今與加持。一粒徧十方。河沙
共塵迷。饑渴永消滅。食之宴瑤池。今將與幽
魂。功德不思議。志心稱念。

清涼甘露天尊。不可思議功德。

結齊齋

齋供已訖。各發誠心。勇猛精進。證聖成真。
志心稱念。

福生無量天尊。不思議功德。

太上混元邱祖真人百代派

道德通玄靜

真常守太清

一陽來復本

合教永圓明

至理宗誠信

崇高嗣法興

世景榮惟懋
未修正仁義
大妙中黃貴
虛空乾坤秀
山海龍虎交
行滿丹書詔
萬古續仙號

希微衍自寧
超昇雲會登
聖體全用功
金木性相逢
蓮開現寶新
月盈祥光生
三界都是親

中華人民共和國一九九五年次乙亥仲秋 重印



the 1990s, the number of people with a mental health problem has increased by 50% (Mental Health Foundation 1999). The prevalence of mental health problems has increased in the general population, and the incidence of mental health problems has increased in the prison population.

There is a growing awareness of the need to address the mental health needs of prisoners. The Department of Health (1999) has published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners.

The Department of Health (1999) has published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners.

The Department of Health (1999) has published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners.

The Department of Health (1999) has published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners.

The Department of Health (1999) has published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners. The Department of Health (1999) has also published a strategy for mental health services, which includes a commitment to improve the mental health of prisoners.